

劫無邊也 平

七

元始无量度人上品妙經卷之十

靈寶无量度人上品妙經卷之十一 地一

玉明運度品

道言昔於空碧天中玉霄素明大寶嚴土受  
元始度人玉明運度无量上品元始天尊當  
說是經周迴十過以召十方始當詣座天真  
大神上聖高尊妙行真人無鞅數乘空而  
來紫霞揚暉綺華舒彩鳳與龍駕雲蓋霓輪  
蔭景含晶五色洞映煥耀太空九日九夜諸  
天日月星宿展霞徊耀駐機停網玉璇凝光  
金衛息運神風靜籟雲收海嶽六氣順明一  
國地土山川林木緬平一等無復高下土成  
玉明碧無異色衆真侍座元始天尊玄坐空  
淨寶華黃金九真鳳氣之座說經一徧諸天  
大聖同時稱善是時一國男女年壽隆長無  
有災天說經二徧水騰火降刑害不生說經  
三徧六氣調平寰區安靜說經四徧天飛妙  
香徧空淨蓋說經五徧山澤呈瑞玉瑩珠游  
說經六徧悟生死根神證真境說經七徧欲  
界種民盡除塵染說經八徧五運均化萬物  
茂昌說經九徧天光下囑幽府開明說經十

徧普解運度深得法門是時一國是男是女  
莫不傾心皆受護度咸得長生

道言是時元始天尊說經一徧東方无極无  
量品玉明運度至真大神無鞅之衆淨空而  
至說經二徧南方无極无量品玉明運度至  
真大神無鞅之衆淨空而至說經三徧西方  
无極无量品玉明運度至真大神無鞅之衆  
淨空而至說經四徧北方无極无量品玉明  
運度至真大神無鞅之衆淨空而至說經五  
徧東北无極无量品玉明運度至真大神無  
鞅之衆淨空而至說經六徧東南无極无量  
品玉明運度至真大神無鞅之衆淨空而至  
說經七徧西南无極无量品玉明運度至真  
大神無鞅之衆淨空而至說經八徧西北无  
極无量品玉明運度至真大神無鞅之衆淨  
空而至說經九徧上方无極无量品玉明運  
度至真大神無鞅之衆淨空而至說經十徧  
下方无極无量品玉明運度至真大神無鞅  
之衆淨空而至十徧周竟十方无極玉明運  
度天真大神一時同至一國男女傾心歸仰

遠見元始升座說法散大光明照徹无量諸天世界一國男女及諸天人其數無窮各居一天住一化境各各神聽恭聞天尊玉音響徹宣說微妙玉明運度之法即各相謂而共議言元始天尊今說玉明運度之法大小劫量窮盡之數我知一切天人生死根本悉由運度運度之數本於陰陽陰陽之氣即是生死陽氣為生陰氣為死既從陰陽轉此生形便有生死運度之數我若得道升入無形超過陰陽即無生死及以大劫小劫運度之數我等大眾各各運心齊赴空碧大寶之天請問至要玉明運度何以修行出離陰陽得免生死證妙有身為大法王慶諸衆生出大劫海來者有如細雨密霧無缺之衆連國一半土皆偏陷非可禁止於是元始懸一寶珠大如黍米在空玄之中去地五丈元始登引天真大神上聖高尊妙行真人無缺之衆俱入寶珠之中天人仰看惟見拂拂珠口中入既入珠口不知所在元始即見神變珠內廣大含受十方諸天一切國土於大眾中出紫

金光明作七種色一一色中出妙香雲徧滿珠內回青蓮目俯眄大眾攬百寶龍瑞玉之几德音和暢悅豫而言告大眾曰玉明者天之才名也言此為天各運度運度不息生死不止一切天人困於有為無為勤勞休息之見隨在運度棄道德濫入生免流皆由衆生心有取捨斷習諸見貪欲喜怒入陰陽之煨運度遷易萬生萬死不造無形不識道體我今宣示法要光明運度運度者天地之數也一陰一陽天地之根生死之根氣有終始故有運度之數天數三十年一小變百年中變五百年大變三大變為一紀三紀為大備六十年矣天圓十二綱地方十二紀天綱三百六十日運關一周地紀三千三百日推機一慶天運關三百六十周為陽劫三百年地推機三千三百度為陰劫三萬年也九千九百度則天地氣交為九萬年名曰大陽九大百六為大劫運度小陽九小百六小劫運度亦如之大運度之時天氣窮於太陰即為大地氣極於太陽即為水二氣相反萬物消化

然後元氣復合更為混沌此名劫數運度也大劫之末水火之災上至三界之上下極九地之下並得化滅毫末無遺以是陰陽二氣所生故隨二氣化滅三界之上四民之天及我所都三清大羅之域極運之境水火不及災數不至出陰陽生死二氣之外九大運為一劫八十一萬年為大運度九萬年為小劫為小運度大劫運度既終我所流布金文玉字龍章鳳書一切經典皆運大羅王京混沌重判真文復出聖人流通再傳下世一切衆生能厭生死斷諸染著世間習氣令此神氣妙合太空空體自然不屬陰陽自無生死昇此妙空應念現相升入無形運度終盡飛昇大羅出三界地永離生死克證道位得為天真方名得道一切衆生以學道故住於小乘或壽限永劫飛行往來分形散影乘駕龍鳳此皆執著未名漏盡大眾聞語皆出三空證上真道國人靡散地還平正無復敵陷元始即於寶珠之內說經都竟衆真監度以授於我當此之時喜慶難言法事粗悉諸天

10 / A 44-2

復位修歎之間寂無遺響是時天人過值經法著得濟度全其本年無有中傷傾土歸仰咸證至真殺害嫉妬盜貪欲憎相種種業心悉泐為空不見陰陽不有生死言無畏愛口無願幸齊同慈愛異骨成親國安民豐欣

樂太平經始出教預有至心一國以道宗奉禮敬皆得度世

道言元始天尊說經中所言並是玉明上帝內名隱韻之音亦是魔王內諱百靈之隱名也知元氣為生死之根見陰陽為生死之門生死所因是由運度運度不起即無生死得道成真體合太空永離生死超凌三界非世之常辭上聖已成真人通玄究微能悉其章誦之十過諸天遙唱萬帝設禮河海靜默山嶽藏雲天關不行地機不動運度休止人得長生群魔束形鬼精滅爽迴骸起死白骨成人至學之士誦之十過則五行順常陰陽無傷運脩度永福樂壽康慶精爽眼鬼林滅爽濟度垂死絕而得生所以爾者學士至人氣拘陰陽體未洞真召制十方威未制天政德

可伏御地祇束縛塵靈但却死而已不能更生輕誦此章身則被殃供養華禮門戶興隆世世昌熾與善因緣萬災不干神明護門斯經華妙獨步至京度人无量為萬道之宗巍巍大範德難可勝

道言凡誦是經十過諸天齊到運度開光沈滯冥識辭陰希陽億曾萬祖幽魂苦毒皆即受度上升朱官格皆九年受化更生得為貴人而好學至經功滿德就皆得神仙飛昇金闕遊宴玉京也上學之士修誦是經皆即受度飛昇南宮世人受誦玉明降氣生道來居則延壽長年後皆得作尸解之道魂神暫滅不經地獄即得返形遊行太空此經微妙晉度無窮一切天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏洩殃及九祖長役鬼官侍經玉帝玉童玉女各二十四人營衛神文保護受經者身

為上世亡魂斷地遠役度上南宮七月長齋誦誦是經玉明西經運度乙庚酉氣結金龜臺後靈白素玉符鍊治死形身得神仙諸天書名黃籙白簡削死上生十月長齋誦誦是經玉明北上運度丙辛正氣成龍紫庭命仙帝真素告輔帝長生為國王帝主君臣父子安鎮國作保天長存世世不絕常為人君安鎮其方民稱太平八節之日誦誦是經玉明合膜運度允寧冲氣分華八門開明神虎赤書策號帝階得為九官真人奉命之日誦誦是經玉明保命運度千齡斗官奏功錄兆成真七元寶章星流太淵魂神澄正萬氣長存不經苦惱身有光明三界侍衛玉帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二過上聞三十二天心拜三十二過閉目靜思身坐碧綠白三色雲氣之中內外蒼冥有青龍白虎朱雀玄武師子白鶴羅列左右日月照明明洞煥室內項生圓象光暎十方如此分明審呪曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各六十四人闕啓所言今日吉慶長齋清堂修行至經无量度人願所啓上徹徑御

无上三十二天元始上帝至尊几前畢  
引悉三十二過東向誦經

元始无量度人上品妙經  
元始洞玄靈寶本章玉明運度上品妙首層數度人百魔隱韻離合自然混洞太无九空道祖元氣內廓玉明朕玄元分爲二陰陽乃全役氣運神无无上真元始祖劫運度諸天八九六七劫運無窮太陰生火太陽爲水五行反傳開明三景是爲天根玉明梵景惟道爲身運度推移五色乘天玄光成篆火鍊爲文五色定位鍊寶結篇五文列象普植神靈無文不先無文不明無文不立無文不成無

文不度無文不生是爲大梵天中之天鬱羅蕭臺玉明上京上極无上大羅玉清眇眇劫初若亡若存三華離便大有妙庭金闕玉房森羅淨靈神霄梵氣周回十方中有度人不死之神中有南極長生之君中有玉明運度司馬大神中有好生韓君丈人中有南上司命司錄延壽益算度厄尊神回骸起死无量度人今日校錄諸天臨軒  
東方无極飛天玉明主運神王長生大聖无量度人  
南方无極飛天玉明主運神王長生大聖无量度人  
西方无極飛天玉明主運神王長生大聖无量度人  
北方无極飛天玉明主運神王長生大聖无量度人  
東北无極飛天玉明主運神王長生大聖无量度人  
東南无極飛天玉明主運神王長生大聖无量度人

西南无極飛天玉明主運神王長生大聖无量度人  
西北无極飛天玉明主運神王長生大聖无量度人  
上方无極飛天玉明主運神王長生大聖无量度人  
下方无極飛天玉明主運神王長生大聖无量度人  
十方至真飛天玉明主運神王長生大聖无量度人  
世无量大神五乘紫蛟瓊色紋蚪慶霄形雲鳳車龍輦玉蓋金輪駘駕丹絳玉毛金精之獸連九氣之節十極之幡前囑洞諒交音後吹梵唱齊鳴仙姬素童鸞歌囉囉三皇蔭塗九老真鞮僊乘萬騎浮空而來傾光回駕與劫開生排運行度劫運無終驅陰馭陽轉死生玉明丞相南昌上宰樞機列真韓司主錄監生主瓦靈魔大神運度數元彌綸六虛水火兵災科別種人執錄把籍齊到帝前隨所應度履校諸天普告三界无極神鄉衆曲之府北都羅酆三官九府十二河源上解祖